

國家圖書館編

國家圖書館出版社

歷代人物傳記 資料彙編

146

國家圖書館編

國家圖書館出版社

歷代人物傳記 資料彙編

146

(清)黃任陳繩輯

惠獻貝子功績錄六卷
(卷四至六)

清乾隆刻本

第一四六冊目錄

惠獻貝子功績錄六卷(卷四至六) (清)黃任陳繩輯
清乾隆刻本 一

先考奕慶府君行略稿一卷附一卷 (清)祁昌徵撰
稿本 三三九

孫思克行述不分卷 (清)俞益謨撰
清抄本 三六一

石埭學博張漢章傳一卷 (清)徐乾學撰
清抄本 四三一

薛總兵墓誌銘一卷 (清)徐樹庸撰
清抄本 四三七

吳慶伯先生行狀一卷 (清)章撫功撰
清勞氏丹鉛精舍抄本 四五五

雪谷府君行述一卷 (清)孔衍注等撰
清康熙三十六年(1697)刻藍印本 四六九

盛應蛟妻張氏事略一卷 清抄本 四八三

西亭王公行狀一卷 (清)黃叔琳撰 清抄本 四九五

理學邵念魯先生傳一卷 (清)叔國麟撰 清康熙刻本 五一七

附念魯先生本傳一卷 (清)萬經撰 清康熙刻本 五三七

曙峰陳公行狀一卷 (清)陳傳華撰 清康熙六十一年(1722)刻本 五四三

王素巖行述一卷 (清)王景獻撰 清雍正刻藍印本 五八一

惠獻貝子功績錄卷四

廣東肇慶府四會縣知縣黃任

恭輯

福建汀州府長汀縣儒學訓導陳繩

福建道山祠堂圖





惠獻貝子祠在福郡道山上歷階入惠獻坊左有
菱舍陟砌臺由大門進中門爲正殿從右廳事
出謔門曲榭子亭歷落踰數武撫軍王公有紀
績碑亭焉從左廳事出傍山翼廊舍徑石行入
爲助教稽公總制范公之祠更左白雲寺爲僧
寮其後鄰霄亭山之最高頂也遠可睇江海方
伯喬公鐫石紀之面南城城外畝洫綺錯如繪
登斯地也蓋不勝先疇舊德山高水長之慕云

福郡道山祠堂碑

福建 巡撫王恕

維

天篤生

聖皇肇造區夏奠安神人以開億萬世無疆之祚則必

誕毓忠勇材智之臣爲

國藩輔宣力策勲以保乂我

王家其殊尤偉跡旣彪炳

天潢巍然

玉牒矣而盛德之在人澤遠而風長謳思尸祝久而不能忘若閩人之戴

寧海將軍惠獻貝子豈非亘古今塞穹壤與周召比烈者歟康熙十三年甲寅耿逆拒命阻兵謀以閩應吳尚二賊浙東所在告警

聖祖仁皇帝知 貝子神武素有戰功殲海寇鄭國性於漳泉閩人憚其威名

特拜寧海將軍偕 和碩康親王督師討之秋八月

大軍至杭州是時耿逆所遣僞帥曾養性已由
福寧渡海陷溫逼台別攻處州矣 貝子與

康親王計議事勢急浙而緩閩浙東平則逆賊
無藩籬之固閩不難破也遂與 王分兵趨台

州台之屬縣已爲賊據時出抄掠吾糧食 貝

子至首復仙居十四年五月遂從間道入黃巖

蹙賊於樂清上亭嶺水陸夾攻賊大敗潰去九

月樂清太平青田大荆磐石五城皆下初 貝

子之分兵也紹興之嵗縣亦陷於賊別遣將攻
下之因撫定其民於是杭台之路無梗故得一
意討賊十五年二月 貝子已解處州之圍遂
引兵而東是時曾養性聚平陽瑞安石塘羣賊
於溫尚十餘萬 貝子親臨行陣連戰敗之進
逼城濠沈其船於江賊皆溺死曾養性裸而逃
遂克溫州曾養性既敗收合餘燼走保得勝山
掘塹爲濠引水環之連營固守 貝子乘夜大

霧潛師登山將士皆踰濠苦戰賊不得出復大敗遂掀溫溪大靺石塘定雲和行收龍泉慶元等縣賊氣沮散降者相繼而耿逆坐困於閩矣凡大小之戰百餘得府縣城寨百五十六斬其文武僞官九百六十五人其朱飛熊吳長春尤賊驍將倚爲腹心者也生降其士卒四十餘萬鹵獲軍資器械無算如火燎毛悉定紹台溫處四郡之地從古用兵之神盪寇之衆蓋未有也

貝子已定浙東遂引兵由慶元間道入松溪與親王會於建寧賊望風宵遁九月進攻延平賊將耿繼美郭忠孝等猶城守不下 貝子不忍閩人掄刈之慘遣使許以不死遂率僞官六百八十八人兵一萬一百二十人民十一萬二千一百三十七人開門出降先是海寇鄭經規取福州所遣僞都統徐堯有賊三萬軍鳳山嶺上貝子旣至揮將士急擊之賊望見我軍旗幟怵

於漳泉之威不戰而走連拔其營十四斬獲過半窮追四十餘里於是狂醜震恐面縛乞命興泉漳汀相率反正兵不血刃而全閩底定矣

貝子御軍嚴整用法無私知人善任使又能與士卒同甘苦謀定而後戰故所向有功方貝子由桐溪出青田身先士卒手牽所乘馬以鞭作杖失足折其指及攻溫州連戰不克晝夜焦勞齒落其二軍行之次帳幕不時至露宿野外

蓋自督師以來侵冒寒暑踐履險阻出入於深山窮海之間三年不少休以是積勞疾作至建寧乘舟而行鳳山之捷猶強起力疾督戰大功甫就而歌虞及焉其盡瘁定

國不以死生疾病牽其志故士益感動用命當

王師之入閩也 貝子疾已甚而教誡將士所

下城邑民老幼婦女不驚市不易肆農不去田

旣俘耿逆振旅入福州四郊晏然不知有金革